


DEN AMBIENTE

DOBLE C.D. DI BOY DAP "THE GREATEST CARNAVAL HITS" TA NA ARUBA...



** Siman pasa e emperador di Tumba, Boy Anselmus Dap tabata na Aruba personalmente pa promove su doble disco compacto cu ta contene tur su hitnan grandi durante su 25 aña cu el a participa exitosamente den Tumba Contest.

Riba e doble C.D. ta aparece 19 Tumba den cua 10 tabata Tumbanan ganador y tur e otro nan a resulta como finalista. Riba VOL 1: 1) Bashe (1971), 2) Bon - Bon (1972), 3) Basilon - Ritmo Sehu (1973), 4) Dale Cos (1973), 5) Mande (1974), 6)

Wega (1975), 7) Mi Tambe Ta Den (1976), 8) Sigi Awor (1979), 9) Bai Cu Ne (1980), 10) Tur Hende Compone (1981).

VOL.2- 11) Bin Para Bo Mire (1982), 12) Un Biaha Mas (1983), 13) Lele (1984), 14) Despensa E Ta Bin (1985), 15) Historia Ta Ripiti (1987), 16) Zone Pa Mi Bai Su Tras (1988), 17) Waya Pasa Bai (1989), 18) Bolt'e Blachi (1992), 19) Cocktail Tumba - Nan.

Porcierto Boy Dap tabata presente den e programa di DEN AMBIENTE na Radio

Galactica diasabra ultimo, na unda varios di e Tumbanan aki a resona.

Durante e entrevista realiza cu e Tata di Tumba, e oyentenan a haya sa hopi cos cu masha tempo nan tabata desea pa haya sa tocante nan idolo di tur tempo. E yamadanan mes tabata suficiente prueba cu e programa tabata un exito total!

Tambe na final di e programa, Boy Dap a keda asina asombra y satisfecho di e reaccionnan tan positivo di su gran fanaticonan, cu el a dicidi di rifa tres C.D. como un gratitud y aprecio pa su fiel fanaticonan.

Nos orguyo musico internacional ex Rey di Tumba, Robert Jeand'or kende ta gran amigo di Boy Dap, tambe tabata presente

Bosonan ta keda semper "Mi publiko stima"...DANKI...!!!



durante e programa.

E yoya di e doble disco compacto aki di e creador di Tumba, ta obtenible na Solid

C.D. Palace. Ta vale la pena pa bo tin e C.D. aki den bo coleccion, cua sin duda ta un tesoro musical...


FESTIVAL DI TUMBA DEDICA NA ITO DANIA...

** E festival di Tumba di awenochi lo ser dedica na e gran tumbero ITO DANIA, kende na tres ocasion a sa di conquista e titulo como Rey di Tumba.

DEN AMBIENTE a ricibi e noticia aki for di John Jeand'or actual presidente di A.S.O.M.A., despues cu DEN AMBIENTE a hasi e pregunta na kende e festival lo ser dedica.

Ito Dania na aña 1981 a hasi su debut den festival di Tumba, den un forma sumamente exitoso cu su Tumba "Fantasia di Color". Aunke e tremendo Tumba aki no a resulta como esun ganador pa e huradonan, pero pa e pueblo si a resulta como e Tumba roadjam di aña 1981.

Na aña 1982, Ito Dania ta bin dal durisimo cu su Tumba "Hiep hiep hoerara", cua el a



sa di conquista e titulo como Rey di Tumba pa prome biaha. E Tumba aki mescos cu esun di "Fantasia di Color", a ser compone y aregla pa e genial compositor y areglista Martin Quandus.

Na aña 1983 Ito Dania ta retene su corona cu e Tumba campeon "Carnaval bon bini", compone y aregla pa Martin Quandus.

Na aña 1984 y 1985 Ito a

participa pero no a logra di conquista e titulo pero si a cay den finalista.

Na 1986 Ito Dania bons bin bek y a dal masha duro cu su Tumba "Nos ta Nos". Cu e tremendo Tumba aki compone pa Casin Giel y aregla pa e maestro Eddie Bennet (q.e.p.d.), Ito a conquista e titulo pa di tres biaha.

Despues Ito Dania no a participa mas durante festival di Tumba, pero a duna di conoce na DEN AMBIENTE, cu si un aña tur e Reynan mester enfrenta otro, e lo participa sigur.

Awenochi durante e festival di Tumba, merecidamente Ito Dania lo ricibi su reconocimiento y ta spera cu e publico lo sa di brinda su persona un yobida di aplauso...



** E tres Reynan di Tumba di tur tempo, Ito Dania, Juancho Kock y Robert Jeand'or...